

xani, dotor, cavalier, sier Marco Dandolo, dotor, cavalier; il seurtinio noterò qui avanti.

Electi do oratori a Napoli per la venuta dil re di Ragona, juxta la parte, con pena.

154

203

Sier Lorenzo Bragadim, di sier Francesco,	68. 80
Sier Vicenzo Querini, el dotor, fo ambassador al re di Chastiglia, . .	47. 82
Sier Francesco Corner, <i>quondam</i> sier Fantin, da la Piscopia,	49. 87
Sier Francesco Donado, el cavalier, fo ambassador in Spagna, . . .	59. 90
Sier Marin Bon, fo auditor nuovo, <i>quondam</i> sier Michiel,	24.113
Sier Zuan Batista Bonzi, è di pregadi, <i>quondam</i> sier Marin,	66. 83
Sier Marin Trivixan, fo ambassador al conte di Pitiano, <i>quondam</i> sier Marchio',	51. 97
† Sier Zorzi Pixani, dotor, cavalier, savio a terra ferma,	98. 45
Sier Santo Moro, el dotor, di sier Marin,	35.111
† Sier Marco Dandolo, dotor, cavalier, savio a terra ferma,	102. 47
Sier Antonio Loredam, el cavalier, fo savio dil consejo,	53. 94
Sier Antonio Zustignan, dotor, savio a terra ferma,	86. 60
Sier Marco Gradenigo, dotor, fo auditor vechio, <i>quondam</i> sier Anzolo,	53. 98
Sier Zorzi Corner, el savio dil consejo, <i>quondam</i> sier Marco, el cavalier,	29.117
Sier Nicolò Michel, dotor, è di pregadi, <i>quondam</i> sier Francesco, . .	67. 80
Sier Michel Trivixan, <i>quondam</i> sier Andrea,	54. 94
Sier Alvixe Bon, el dotor, auditor nuovo, <i>quondam</i> sier Michel, . .	40.109
Sier Piero Bembo, di sier Bernardo, dotor et cavalier,	46.102
Non. Sier Andrea Loredan, fo capitano a Brexa, <i>quondam</i> sier Nicolò, per non esser stà capitano,	

A dì 8. E da saper che 'l cardinal, qual era zonto a Treviso, e dovea intrar *honorifice* col bucin-

toro, havendo li patricij, ordinati andarli contra, auto comandamento di andar. Or, perchè eri e questa mane fo cativissimo tempo di pioza e vento, or *tandem* questa matina a Treviso esso cardinal di Brexenon, orator dil re di romani, vien qui, poi dal papa, per esser vechio, montò in una barcha, non curando di pompe, et arivò a horre 11 a San Zorzi, dove li era stà preparato lo alozamento. El collega, episcopo treverense, elector di l'imperio, destinato *etiam* qui a la Signoria, è restato a certa dieta, e verà poi.

Per letere in zenoesi si ave, il re di Ragona era zonto a Zenoa con l'armata; et il gran capitano, che li andò contra con 5 galie, lo avia scontrato e inchinatossi a soa majestà, come bon vassallo; et che zenoesi havia preparato di farli grandissimo honor, et presentarli 2 bazili d'oro e altri refrescamenti, per valuta di ducati 400.

Da poi disnar fo colegio, di la Signoria et savij, per aldir do inzegneri stati in Levante, qualli dovea referir quanto avevano visto di Corfù, Zante, Zefalonia, Napoli et Malvasia *etc.* I qualli fono fra' Jocondo, homo excelentissimo, stava a stipendio dil re di Franza, et conduto con la Signoria nostra per consejo di X, et Lactantio di Bergamo, *olim* contestabile di fantarie, ma pratico in tal cosse.

Di Cesena, si ave letere, di sier Domenego Pixani, el cavalier, orator nostro. Come si havia de li, che 'l re di Chastiglia, fiol dil re di romani, et zenero dil re di Ragona, era morto in Chastiglia da cataro; la qual nova don Antonio di Cugna, suo orator, et il cardinal di Napoli l'havia fato intender al papa *etc.* Questa nova fo et è di grandissimo momento, perchè il re di romani, che voleva venir in Italia, forssi muterà pensier. Era di età di anni 28; ha do fioli et tre fie.

A dì 9. Da matina, per la terra se intese la morte dil prefato re, la qual si ave poi da Ferara, e Milan, et è certa.

Da poi disnar el principe, col colegio e altri patricij, andoe con li piati a San Zorzi, a visitar il cardinal di Braxenon, el qual è vechio, mal sano, per le gote va zoto, à intrada fiorini . . .; et steteno insieme a ragionar. El qual disse aspetar il collega suo, episcopo treverense. Et fo ditto di la morte dil re di Chastiglia; sì che non parlò alcuna cossa col principe di la commission havea fino il collega non zonzeva.

Poi fo consejo di X. Feno 3 cassieri, *loco* quelli refudò: sier Pollo Antonio Miani, qual intrò, et sier Zacaria Dolfin, et sier Zacaria Contarini, el cavalier.

In questa matina fo disputato la causa di la sen-